



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuißimiè explicantur

Gavanti, Bartolommeo

Antverpiæ, 1634

Canonis expositio litteralis. XVII.

urn:nbn:de:hbz:466:1-40262

194 Comment.in Rubr.Missalis. Pars II. Tit. XVII.

tecosten secretò; quod ego puto significari in Oratione cum inclinatione Sacerdotis ad Altare, *Placeat tibi, &c.* & orabant ij vnamiter. quod in osculo Altaris designatur.

32 Ultima benedictio missionem Spiritus sancti in Pentecoste in nomine Trinitatis exprimit, *Innocent. cap. 14.*

33 Quid aliud restat, quam ultimum *S. Ioannis Euangeliū?* de hoc mysticè nemo ex antiquioribus quem legerim. Dicam ergo *cum Principissa Parmensi in eiusdem Praxi citata, Prædicationem Apostolorum hīc demonstrati, tum Diuinitatis, tum Incarna-*

*tionis Christi, qua Gētes magis quam Hebræi (vnde in cornu legitur Euangeliū) ad Deum deuenerunt post Pentecosten. Ecce conueritum ad Gentes, ait Paulus *Att. 13.**

34 Regressus in Sacristiam est ad necessitatem, non ad mysterium, nisi velis dicere, post prædicationem, & opera bona, tandem ad Deum in celum nos quoque peruenturos, vnde exiuit à principio Dominus Iesus, qui vixit in mundo annis circiter tringinta quatuor, & nunc in celo viuit & regnat Deus in sæcula sæculorum, Amen.

Canonis expositio litteralis, eorum nempe verborum quæ sunt difficilioris intelligentiæ. XVII.

Fusè, neque confusè, post *Bielum* & *alios Io. Steph. Duran. lib. 2. de Ritib. à cap. 33. usque ad 45.* sacrum Canonem explicat, allatis Antiquorum interpretationibus, ut nihil certè, nisi breuitas, ab eo desiderari videatur: breuius ego, & apertioribus omissis, obscuriora propono, & expono.

1 *Tē igitur, clementissime Pater.*] Ad Patrem docente Christo dirigitur omnis oratio, *Florus in Expositione Missæ.*

2 *Sacrificia illibata.*] Id est incontraminata, *Alcuin. cap. de Celebrat. Miss. fine macula offerentis, Innoc. III. lib. 3. cap. 3. sine labé, Durand. lib. 4. cap. 36.*

3 *Pro Ecclesia tua sancta.*] Tua habet emphasis ad mouendum Deum, *Duran. loc. cit. Orthodoxis,* hoc est, reæ gloriæ hominibus nullo errore depravatis, *Alcuin. Florus, & Biel. lect. 24.*

4 *Vet qui tibi offerunt.*] Non modo Sacerdotes, sed etiam qui votis & oratione cooperantur, *Innocent. suprà;* & qui eleemosynam pro Missa dederunt,

aut alio modo celebrati curarunt, *Azor. lib. 10. cap. 36. quest. 13.*

5 *Etenim columitatis sua.*] Pro corporali sanitate precamur, *Alcuin. & Innocent.*

6 *Reddunt vota sua.*] Vota suafidei & devotionis, quæ sunt in libertate arbitrij, & ideo sua, *Innocent.*

7 *Communicantes.*] In Communione Sanctorum, valer Sacrificium, *Innoc.* sed *Microl. cap. 12.* ex interpolatione verborum, quæ fit in Festis quibusdam, colligit, non significans communionem Sanctorum qui sunt in celo, sed communionem Catholicon fidelium.

8 *Oblationem seruitutis nostra.*] Id est Cleri; & est latriæ, quæ soli Deo debetur, *Odo Camer.*

9 *Et cunctæ familiae.*] Id est totius assistentiæ collectæ, *idem Odo. totius Ecclesiæ, Florus.*

10 *In electorum tuorum inbeas gregem numerari.*] Ut annumeretur cum electis secundum presentem iustitiam, v. haber

habeat gratiam : nam alioquin certus est electorum numerus, *Biel. lect. 33.*

11 *Adscriptam.*] In numerum platorum sibi receptam esse velit Deus, *Alcuin.* Adscribat & numeret inter grata, *Azor. supra cap. 37.*

12 *Ratam.*] Certam, permanentem, mutata substantia corruptibili in incorruptam, *Odo.*

13 *Rationabilem.*] Ut hominem verum pro hominibus offeramus, *Odo.*

14 *Acceptabilem.*] Quæ omnino placeat Deo, *idem.*

15 *Venerabiles manus suas.*] Venerationis mentione attentior fit Sacerdos ad opus futurum, *Card. Puccius Homil. 5. de Sacrific. Corporis Christi.*

16 *Elenatis oculis in calum.*] Omitunt Euangelistæ, sed Apostoli tradiderunt, *S. Thom. 3. par. quæst. 83.*

17 *Gratias agens.*] Inde Eucharistia dicta, id est gratiarum actio.

18 *Benedixit.*] Ac deinde fregit, de ditque discipulis : non enim fregit, & postea dixit, *Hoc est Corpus meum;* hæc enim est sententia communior Theologorum, *S. Thom. 3. par. quæst. 78. artic. 1. ad 1. Biel. lect. 36.* & ita intelligendi sunt etiam Euangelistæ per postpositionem verborum locuti ; & nos consecramus, frangimus, distri buimus, ait *Bessarion Card.*

19 *Ex hoc omnes.*] Tradidisse hæc verba Apostolos credimus, quamvis Euangelistæ omiserint ; ut omnes vnum sint.

20 *Et hunc præclarum Calicem.*] Fit allusio ad Psalm. 22. *Calix meus inebrians quām præclarus est!* *Florus sup.*

21 *Hic est enim Calix sanguinis mei, &c.*] Omnia verba huius formæ sunt de substantia Sacramenti, *S. Thom. 3. par. quæst. 78. artic. 3. sed Magister Sententiarum 4. dist. 8. cum Bonavent.*

& alijs docet, prima tantum verba quæ posuimus, esse de substantia formæ. *Idem habet Concil. Floren.*

22 *Nouii & aterni testamenti.*] Supple confirmatio, quia per mortem Christi, & effusionem Sanguinis eiusdem nouum confirmatur Testamen tum; & consequenter fit immutabile, & aternum, *Durand. cap. 42.* Testamen tum autem hoc loco est idem ac promissio. *Qui manducat meam car nem, &c. idem ibidem.*

23 *Mysterium fidei.*] Hoc est, Sa cramentum fidei occultum, quod sola cernitur fide, *Odo Camer.* interiecit Ecclesia, ut moneat, aliud esse in spe cie, aliud in fide, *Iuo Carnot. cap. 264.*

24 *Hac quæcumque feceritis.*] Id sacrificaueritis, facere enim est sacrificare, *Exod. 29. Leu. 23.*

25 *In mei memoriam facietis.*] Præ cisè Paulus : *Mortem Domini annun tiabitis, 1. Cor. 11.*

26 *Supra quæ propitio ac sereno vul tu.*] Id est, propitio nobis, *Durand. lib. 4. cap. 43.* nam Deus est proprius Filio suo, qui est in Hostia, & Calice. Verba hæc ad offerentem re feruntur, ut nimis cum utilitate nostra offeratur, *Alexand. de Ales 4. parte quæst. 37. de Offic. Missæ mem. 3. artic. 2.* Nominantur autem hic Abel puer, à puritate, *Florus sup.* Abraham, & Melchizedech, quorum fuerunt Sacrificia & nobiliora, & in hoc præsignando magè propria, *Durand. d. cap. 43.*

27 *Inube hæc perferrri per manus sancti Angeli tui.*] Id est ministrari. Non enim perimus, ut Angeli perférat Cor pus & Sanguinem in celum; sed fidem, memoriam Passionis, vota fidelium, eo modo quo Angelus dicitur obtulisse orationem Tobiae, *cap. 12.* Altare

B b 2 in

196 Comment. in Rubr. Missalis. Pars II. Tit. XVII.

in cælo est spirituale , ut in Apoc. dicitur. & ex hoc loco S. Gregor. lib. 4. Dialog. cap. 58. colligit , Angelorum Chorus adeste Sacrificio.

28 Nobis quoque peccatoribus .] Pla-
nè pro seipso orat Sacerdos , Alber.
Mag. Debet enim quemadmodum
pro alijs , ita & pro seipso offerre,
Hebr. 5. numero plurali vritur , quia
Sacrificium non est vnius personæ , sed
militantis Ecclesiæ : gemendo ergo il-
lud dicat , Amalar. lib. 3. cap. 26.

29 Partem aliquam & societatem .] Partem , quia licet Deus totus detur,
non tamen totaliter in cælo datur Bea-
tis. vnde David: Dominus pars heredi-
tatis mee , Psal. 15. & item , quia datur
secundum differentiam meritorum ,
ex Innocent. III. lib. 5. cap. 8.

30 Cum tuis sanctis Apostolis , &c .] Ante consecrationem postulatur San-
ctorum suffragium , post consecratio-
nem eorum consortium . Bis nomi-
nantur Sancti , quasi Sacerdos indu-
tus sit superhumerali , in quo erant no-

mina Patrum , Steph. Eduen. ait , vi-
orent pro nobis , cap. 18.

31 Non estimator meriti .] Æstimar
merita Deus , contra Iouiniani erro-
rem ; sed precamur , vt ex sua libera-
litate superaddat plura . Meritum
etiam hoc loco significare potest pec-
catum.

32 Semper bona creas .] Vedit Deus
quæ fecerat , & erant valde bona ; ea-
dem nunc semper creat bona , Alcuin.

33 Sanctificas .] Ut , quæ erant sim-
plex creatura , sacra fiant , idem .

34 Vincifcas .] Ut fint mysteria vi-
tae , idem .

35 Benedicis .] Omni benedictione
cælesti , idem .

36 Et præstas nobis .] Ad fruendum ,
Amalar. lib. 3. cap. 26.

37 Per ipsum .] Vti per mediatorem , Florus.

38 Cum ipso .] Tamquam æquali , idem .

39 In ipso .] Tamquam consubstan-
tiali , Florus in Exposit. Mis. Et hic
finis Canonis esto .



COM